

ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Tesourería e Xestión de Tributos. Servizo Central de Recadación

Normas de cobranza extraordinaria 2024 (IVTM Concello de Outes)

NORMAS DE COBRANZA EN PERÍODO VOLUNTARIO DO IMPOSTO SOBRE VEHÍCULOS DE TRACCIÓN MECÁNICA (IVTM) DO CONCELLO DE OUTES.

CAMPAÑA EXTRAORDINARIA DO EXERCICIO 2024.

PRIMEIRA. CONCEPTOS.- Os valores que se recadarán son as de notificación colectiva por padrón e cobro periódico por recibo, dos seguintes conceptos:

- Imposto sobre vehículos de tracción mecánica (IVTM) do CONCELLO DE OUTES.

SEGUNDA. PERÍODO VOLUNTARIO.- O prazo de ingreso voluntario será do **15 de xullo ao 30 de setembro**, ambos inclusive.

TERCEIRA. FORMAS E LUGARES DE INGRESO.- O ingreso poderá realizarse:

- Na caixa de calquera das entidades colaboradoras que se indican de seguido, ou tamén en caixeiro automático ou por internet (se a entidade colaboradora elixida dispón deses servizos).

As entidades colaboradoras deberán aceptar e facilitar o pago cando se lle solicite no seu horario normal de atención ao público.

As entidades financeiras autorizadas para colaborar co Servizo de Recadación son as seguintes:

**ABANCA
BANCO BILBAO VIZCAYA ARGENTARIA
BANCO SABADELL
BANCO SANTANDER
CAIXABANK**

- Na Oficina Virtual Tributaria (<https://ovt.dacoruna.gal>), entre outros medios de pago, mediante tarxeta de calquera entidade bancaria, sen custo para o contribuínte.

- Nas Oficinas de Correos ou ao persoal de reparto, cun custo para o contribuínte de 1,95 € por cada carta de pago.

CUARTA. DOMICILIACIÓN.- Para a súa maior comodidade, recoméndase aos contribuíntes domiciliar para anos sucesivos o ingreso das súas débedas tributarias en entidades financeiras, conforme co establecido na Resolución da Presidencia núm. 22665/2014, de 12 de novembro, modificada pola Resolución da Presidencia núm. 10810/2021, de 22 de marzo. Os recibos poderán ser domiciliados nun único prazo ou en dous prazos; neste último caso, repartirase a cota a pagar.

QUINTA. ENVÍO DOS DOCUMENTOS DE INGRESO.- Os documentos de ingreso dos recibos non domiciliados en entidades financeiras enviaranse por correo postal ordinario ao domicilio único de cada contribuínte.

Este envío non ten carácter de notificación. A non recepción dos documentos de ingreso no domicilio do contribuínte non exime a este da súa obriga de pago.

Se algún contribuínte non recibe no seu domicilio algún dos documentos de ingreso que precisa **podrá solicitalo contactando cos Servizos Tributarios da Deputación a través de correo electrónico (atencion.tributaria@dacoruna.gal) ou mediante chamada telefónica gratuita (900132204). Tamén poderá facer xestións e consultas a través da Oficina Virtual Tributaria (<https://ovt.dacoruna.gal>) ou na Sede electrónica da Deputación (<https://sede.dacoruna.gal>).**

A atención presencial, para maior comodidade, **podrá realizarse mediante CITA PREVIA (dacoruna.gal/cita-previa).** Dende o día **23 de setembro**, inclusive, non se enviarán novos documentos de ingreso por correo postal.

SEXTA.- REFERENCIAS DE COBRO.- Os documentos de ingreso inclúen dúas referencias de cobro, con importes diferentes:

- A primeira é válida ata o día **30 de setembro**, e o importe que ten asociado é o principal da débeda, sen recarga de ningún tipo.

· A segunda é válida do **1 ao 18 de outubro**, e o importe que ten asociado inclúe o principal da débeda e a recarga executiva do 5%.

Pasada a data de caducidade da segunda referencia xa non se poderán utilizar estes documentos para realizar o ingreso da débeda, polo que deberán solicitarse outros ás oficinas de información tributaria que se relacionan no Anexo.

SÉTIMA. CARGOS DE DOMICILIACIÓNS.- Os recibos que figuren correctamente domiciliados faranse chegar ás respectivas entidades financeiras para que sexan cargados o día **29 de agosto** nas contas dos seus clientes. O prazo para a devolución de cargos pecharase o día **24 de outubro**; pasada esta data, as entidades financeiras xa non poderán aceptar devolucións, polo que os contribuíntes deberán dirixir á Deputación a correspondente solicitude de devolución de ingresos indebidos, que será tramitada segundo o establecido na normativa tributaria.

No caso de que a domiciliación sexa en dous prazos, o primeiro cargo, pola metade do importe do recibo, realizarase o **30 de xullo**, e o segundo cargo, polo resto do importe do recibo, realizarase o **29 de agosto**. O prazo para a devolución de cargos pecharase, respectivamente, o **24 de setembro** e o **24 de outubro**; pasadas estas datas, as entidades financeiras xa non poderán aceptar devolucións, polo que os contribuíntes deberán dirixir á Deputación a correspondente solicitude de devolución de ingresos indebidos, que será tramitada segundo o establecido na normativa tributaria.

OITAVA. Existe a posibilidade de solicitar, para vindeiros exercicios, un **plan individualizado de pagos** de acordo co previsto na Resolución da Presidencia número 43226/2022, do 19 de outubro, (BOP nº 25 de 6 de febreiro de 2023). Deste xeito poderá pagar a totalidade dos recibos dos tributos de cobro periódico en 3 ou 10 mensualidades.

NOVENA. ADVERTENCIA LEGAL.- O vencemento do prazo de ingreso en período voluntario sen que se teña satisfeita a débeda determinará o inicio do período executivo e polo tanto a esixencia da recarga e dos xuros de mora que en cada momento correspondan. Tamén se liquidarán e esixirán ao debedor as custas regulamentarias orixinadas no dito procedemento.

A Coruña, 8 de xullo de 2024

A Viceteseira,

Ana María Fernández Rodríguez

Anexo

OFICINAS DE INFORMACIÓN E HORARIO DE ATENCIÓN AO PÚBLICO

CITA PREVIA: 900 132 204 e dacoruna.gal/cita-previa

OFICINA/ LOCALIDADE	ENDEREZO	CP	HORARIO
Oficina Virtual Tributaria	www.dacoruna.gal		As 24 horas do día, todos os días
Central / A Coruña	R. Archer Milton Huntington, 24	15071	De luns a venres de 9:00 a 14:00
Ames	R. Ameneiral, 18 (Bertamiráns)	15220	Martes e venres de 9:00 a 14:00
Arteixo	Av/ Arxenio Iglesias, 46 (Pol. Sabón)	15142	De luns a venres de 9:00 a 14:00
Arzúa	R. Pai Pardo, s/n	15810	Mércores e venres de 9:00 a 14:00
Betanzos	R. Pintor Seijo Rubio, 8 (local 5)	15300	De luns a venres de 9:00 a 14:00
Corcubión	Pz. de José Carrera, 1B (Concello)	15130	De luns a venres de 9:00 a 14:00
Ferrol	R. Naturalista López Seoane, 5 (Esteiro)	15403	De luns a venres de 9:00 a 14:00
Narón	Pz. do Concello, s/n (Xuvia)	15570	Luns e mércores de 9:00 a 14:00
Negreira	R. Castelao, s/n (Antigo Instituto EM)	15830	Mércores e venres de 9:00 a 14:00
Ordes	R. Nova, 23	15680	Mércores e venres de 9:00 a 14:00
Ortigueira	Av/ Escola de gaitas, 39B	15330	Martes e xoves de 9:00 a 14:00
Ribeira	R. Miguel Rodríguez Bautista, 42	15960	Martes e xoves de 9:00 a 14:00
Santiago de Compostela	R. Fernando III o Santo, 9	15701	De luns a venres de 9:00 a 14:00

2024/4878